

ԳԱՐԵԳԻՆ ՆԺԴԵՀԸ ՄՅՈՒՆԻՔՈՒՄ
(1919 թ. օգոստոս—1921 թ. հուլիս)

Հ. Բ. ԱՐՐԱՀԱՄՅԱՆ

Սյունիքը, Արցախը և Նախիջևանը 1918—1921 թթ. շատ ծանր օրեր էին ապրում։ Բաքուն և Անկարան ձգտում էին Հայաստանը վերացնել, ժամանակակիցներից Ռուբեն Դարբինյանը (Արտաշես Զյուլինկարյան) գրել է. «Եթէ այսօր Զանգեզուրը Հայաստանի եւ ոչ թէ Ատրպէյճանի մաս վը կազմէ, ատիկա շատ կարեւոր չափով մը մենք պարտական ենք Նժդեհի զինւորական տաղանդին, փնչպէս եւ անոր քաղաքական սուր իրատեսութեան»¹։

Նախիջևանի կողմից Թուրքերը, իսկ Արցախի կողմից ադրբեջանցիները մեծաթիվ հրոսակախմբերով 1919 թ. ամառվանից սկսած անընդհատ հարձակումներ էին գործում Զանգեզուրի վրա։ Հայաստանի Հանրապետության կառավարության որոշմամբ Սյունիք է ուղարկվում Գարեգին Նժդեհը (Գարեգին Տեր-Հարությունյան), որը 1919 թ. օգոստոսի սկզբին իր մի քանի հավատարիմ մարտիկներով ժամանում է Գողթան և նշանակվում Կապարգողթի² հրամանատար։ Նժդեհը նստավայր է ընտրում Կապանի հանքերու նրա ամենաառաջին խնդիրն էր լուրջ հիմքերի վրա դնել ժողովրդի ինքնապաշտպանության գործը և կազմակերպել Սյունիքի ուժերը։ Նժդեհի խորհրդով ու պահանջով գյուղացիներն իրենք էին զենք պատրաստում, հաճախ էլ թշնամու դեմ կռվում նրանից խրված զենքով և ուղղամթերքով։ Նժդեհին հաջողվում է մի քանի ամսվա ընթացքում Սյունիքի ժողովրդի մեջ վերականգնել դիմադրական ոգին։ Դրա շնորհիվ թշնամու հսկայական զերակշռության պայմաններում երկու տարում Գարեգին Նժդեհի զորամասերն ունեցան ընդամենը 28 սպանված և ոչ մի զերի³։

Գարեգին Նժդեհի Սյունիք ժամանելուց հետո առաջին խոշոր կռիվները տեղի ունեցան 1919 թ. նոյեմբերին։ Թուրքական երկու վաշտ էդլի բեյի գլխավորությամբ Օրդուբադի կողմից ներխուժելով Օխչիձոր, այն հայտարարում է ադրբեջանական տարածք և Գողթանը կտրում Զանգեզուրից։ Նոյեմբերի 18-ին Նժդեհի զորախմբերն անցնում են հակահարձակման, ջախջախում թշնամուն և Գողթանի ու Զանգեզուրի միջև ճանապարհը բացում։ Մինչ այդ 1919 թ. հոկտեմբերին, Արցախի կողմից Զանգեզուր էր ներխուժել մուսավաթական Ադրբեջանի բանակը և հետ շարտվել։

Այնուամենայնիվ, Գարեգին Նժդեհի համար ամենադժվարինն ու ամենահամարձակը առջևում էր՝ Գեղվաձորի արշավանքը։ Նժդեհի այն արտահայտությունը, թե «Գեղվաձորը Զանգեզուրի համար այն է, ինչ որ Կաթաղանը Հոռմի համար», միանգամայն ճիշտ էր։ Գեղվաձորի ադրբեջանցիները սերտ կապ ունեին Նախիջևանի, Զանգեզուրի, Զեբրայիլի, նաև Հաջիսամլուի իրենց ազգակիցների հետ⁴։ Գեղվաձորի ազատագրումը և այդտեղից սպասվող վտանգի վերացումը ամենահարատապ խնդիրն էր։ Լուրջ նախապատրաստական աշ-

¹ Ավ օ, Նժդեհ։ Կյանքն ու գործունեությունը։ Նշխարներ, վկայություններ։ Պեյրուք, 1968, էջ 430։

² 1919 թ. օգոստոսի 10-ին Նժդեհն իր առաջին պատգամ-հրամանով Զանգեզուրը բաժանում է հետևյալ շրջանների՝ Կապան, Գողթան, Արեիք (Մեղրի, Գնդեվազ)։ Կապարգողթը կազմված է այդ անոնների առաջին վանկերից։

³ Հայրենիք (Բոստոն), 1923, № 11, էջ 78։

⁴ Ավ օ, նշվ. աշխ., էջ 88։

խոտանքներից հետո Նժդեհի զորամասերը 1919 թ. դեկտեմբերի 1-ին անցան հարձակման և արդեն դեկտեմբերի 4-ին Բաղաբերդի բարձունքի վրա ծածանվում էր հայկական եռագույնը, իսկ դեկտեմբերի 7-ին Գեղվաձորի ռուրը դուրսգերում տոնում էին այդ փառալուստ հաղթանակը⁵։

Շուտով մարտերը փոխադրվեցին Բարգուշատի և Հաքարլուսի շրջանը, որտեղի մահմեդականները Շուռնուփսի կողմից անընդհատ հարձակումներ էին գործում Կապանի հայկական գյուղերի վրա։ Նրանք նման մի հարձակում ձեռնարկեցին հունվարի 19-ին և սկսեցին բարձրորոտաբար ավերել գյուղերը։ Բացի այդ, Ադրբեջանը մեծ ուժեր էր կենտրոնացնում Ղարաբաղ և Զանգեզուր ներխուժելու համար։ Հետևապես, անհրաժեշտ էր շտապել։ Նժդեհի ուժերը 1920 թ. հունվարի 19-ին անցան հարձակման և մեկ օր անց փառալուստ հաղթանակ տարան։ Ադրբեջանի պառլամենտի անդամ Զելիլ բեգ Սուլթանովը շտապ հեռագրեց Բաքու. «Գավառի յոթափստ ազգաբնակչության անունից աղերսում եմ թղթի վրայի բողոքներից անցնել ակտիվ գործողության և կործանումից փրկել Ադրբեջանի լավագույն անկյունը։ Զանգեզուրից հետո հերթը Ղարաբաղինն է»⁶։

Գարեգին Նժդեհին ամենից շատ անհանգստացնում էր Գողթանի հայության ճակատագիրը։ Անհրաժեշտ էր պաշտպանել Զանգեզուրի նախադուռ հանդիսացող Գողթանը և գողթանցիներին փրկել ցեղասպանությունից։ Գարեգին Նժդեհը 1920 թ. մարտի 20-ին սկսեց իր արշավանքը դեպի Օրդուբադ։ Մինչ այդ Օխլիձորի, Գեղվաձորի և Շուռնուփսի ճակատամարտերում փառալուստ հաղթանակներ տարած Նժդեհի ջոկատներին հաջողվեց շեշտակի հարվածով ազատագրել Գողթանը և անցնել Որոտանի կիրճը։ Այսպիսով, Զանգեզուրի և Գողթանի վրա կախված թուրք-ադրբեջանական վտանգը վերացվեց։ Այդ առթիվ 1920 թ. ապրիլի 22-ին Գողթանում կազմակերպվեց տոնահանդես և զորահանդես, որի ժամանակ Կապանի հայությունը Նժդեհին նվիրեց դրոշակ, իսկ Գորիսի Ազգային փոքրիկ նախագահ Սմբատ Մելիք-Յուլյանը (Ուլյան) իր Գեորգյան խաչը կախեց Նժդեհի կրծքին։

Գարեգին Նժդեհը շատ էր մտահոգված նաև արցախահայության ճակատագրով, քանի որ անգլիական գաղութարարները Զանգեզուրն ու Արցախը հայտարարել էին Ադրբեջանի տարածք։ Արցախահայությունը զայրույթով ընդունեց այդ հայտարարությունը և շարունակեց պայքարը մայր Հայաստանի հետ վերամիավորվելու համար։ 1920 թ. գարնանը Արցախում սկիզբ առած ապստամբությունը չնայած անժամանակ էր, բայց և այնպես հետզհետե լայն ընդլայնվեց։ Օգտվելով առիթից, մարտի 22—23-ին թուրք-ադրբեջանցիները ներխուժեցին Արցախ՝ ավերելով տասնյակ գյուղեր և հրի մատնելով Շուշի քաղաքի հայկական մասը։ Արցախցիներն օգնություն խնդրեցին Զանգեզուրի ռազմական ուժերի հրամանատար Ս. Ղազարովից և Գարեգին Նժդեհից⁷։ Ընդառաջելով արցախահայությանը, Զանգեզուրի ռազմական ուժերը Դրոյի հրամանատարությանը ապրիլի կեսերին մտան Վարանդա, իսկ Գարեգին Նժդեհին՝ Դիզակ։ Ամիս ու կես վաղվեր են տեղի ունենում Արցախի և Զանգեզուրի միջև ընկած Բարգուշատ-Հաքարլու տարածքում։ Նժդեհի զորամասերին հաջողվում է ջախջախել թշնամուն և մտնել Արցախի Դիզակի շրջան, չեղոքացնելով Դրոյի զորքերի աջ թևին տպառնացող վտանգը։

Արցախահայությունը սիրով ընդունեց մայր հայրենիքից օգնության եկած զինվորներին և ամեն ինչով օգնում էր նրանց։ Գարեգին Նժդեհը շէր կարող Արցախում երկար մնալ, ուստի մի քանի օրից վերադարձավ Կապան, իսկ Դրոն մնաց Արցախում։

⁵ Վ ա Ր Գ ա ն Գ և Ռ Գ յ ա ն, Լեռնահայաստանի գոյամարտը (1919—1921), Պուրբեշ, 1923, էջ 22։

⁶ Նույն տեղում, էջ 32։

⁷ Նույն տեղում, էջ 40—41։

1920 թ. ապրիլի վերջին Ադրբեջանում հաստատվեցին խորհրդային կարգեր: Այստեղ մտած 11-րդ կարմիր բանակը դրվեց Ադրբեջանի խորհրդային իշխանության ենթակայության տակ: Նախկին մուսավաթական ասկյարներն արագորեն վերահանդերձավորվելով մտան 11-րդ կարմիր բանակի շարքերը: Ադրբեջանի կառավարության պահանջով 11-րդ կարմիր բանակի զորամիավորումները թուրք-ադրբեջանական «կարմիր դնդերի» հետ օկուպացրին Արցախը:

Իրանից հետո Ադրբեջանը ձգտում էր ուսական կարմիր բանակի ուժերի օգնությամբ գրավել նաև Զանգեզուրը՝ Սիսիանը, Կապանը, Գնդեվազը և Նախիջևանի վրայով ճանապարհ բացել դեպի Թուրքիա: Մինչև ուղղմանը գործողություններին անցնելը, բուլղերիկների գործակալներն այդ վայրերում «Եղիկատական ամենաստոր միջոցները գործադրելով՝ մոլորեցնում են պարզամիտ գյուղացիության, թե բուլղերիկ ուսը բերում է յուր հետ խաղաղություն, կյանքի, բարիքների, քաղաքական ազատություն և աշխատավոր գյուղացիության իշխանություն...»⁸:

11-րդ կարմիր բանակի 28-րդ հրաձգային դիվիզիայի 84-րդ զորամասը, ինչպես և 83-րդ դիվիզիայի 247, 248 և 249 գնդերը 1920 թ. հուլիսի 5-ին ներխուժեցին Զանգեզուր: 11-րդ կարմիր բանակի հրամանատարներից Վախիշենկոն այսպես է արդարացնում Զանգեզուր ներխուժելու իրենց քայլը. «Զանգեզուրի և Նախիջևանի գավառներում տեղի ունի ազգամիջյան կոտորած հայերի և թուրք-թաթարների մեջ, որի հետևանքով շնչվում են աղքատների անբախտ և անօգնական ընտանիքները: Ոչնչացնում են ամբողջ գյուղեր և հազարավոր գյուղացիներ զրկվում են օթևանից: Անհրաժեշտ է այդ ամենին վերջ տալ»⁹:

Կարմիր բանակի օկուպացիոն ուժերը Զանգեզուրը նվաճած համարելով, շարժվում են դեպի Դարալագյազ, գրավում Սիսիանը՝ մինչև Բազադյախ արևմտյան լեռնաշղթան, որտեղից էլ կապ են հաստատում Նախիջևանի և Թուրքիայի հետ: Մի զորամաս հուլիսի 8-ին շարժվում է դեպի Կապան, որ այդ ժամանակ գտնվում էր Գարեգին Նժդեհի: Զորամասը, Կապանի Վերին խոտանան գյուղի մոտ հանդիպելով գյուղացիների ուժեղ դիմադրությանը, ստիպված էր կսեղ առնել: Նրա գլխավորական կոմիսար Խվանովը հուլիսի 10-ին Նժդեհին է ուղարկում հետևյալ գրությունը. «Արդեն Ղարաբաղ-Զանգեզուր է մտել կարմիր բանակը, բոլոր տեղերում կազմակերպված են ուկոմներ: Հրամայում եմ այդ առթիվ ժողովրդին հայտարարել և ճամփա տալ Վերին խոտանանում գտնվող մեր զորամասերին Մեղրիի վրայով անցնելու Օրդուբադ-Ջուլֆա»¹⁰: Նրկու օր անց կարմիր հրամանատարը ստանում է հետևյալ պատասխանը. «Կապարգողթի գյուղացիական ներկայացուցչական խորհուրդը հրամայել է վաղը՝ հուլիսի 13-ին, մինչև ժամը 7-ը թողնել Կապանի սահմանները, հակառակ դեպքում ստիպված կլինեմ անցնելու հարձակման և զենքի ուժով վանելու Ձեզ»:

Կապարգողթի ուղղման ուժերի հրամանատար՝ Նժդեհ»¹¹:

Օկուպանտները ստիպված էին թողնել դիրքերը և վերադառնալ Գորիս:

Այդ օրերին Դրոն, որը մայիսի 25-ին նահանջել էր Արցախից, որոշեց Զանգեզուրը հետ գրավել: Նա Դարալագյազից շարժվելով՝ օգոստոսի 3-ին ազատագրում է Գորիսը ու հակառակորդին հետ շարժում Զաքոսի: Սակայն կարմիր զորամասերը նոր ուժերով համալրվելով, անցնում են հակահարձակման և օգոստոսի 7-ին նորից գրավում Գորիսն ու Սիսիանը:

Ադրբեջանի կառավարության պահանջով 11-րդ կարմիր բանակի զորամասերը հուլիսի 29-ին Կապանի շրջանում վերսկսեցին հարձակումները: Այս անգամ մարտերը շարունակվում են 72 օր:

⁸ Արևոտ գիրք, Գորիս, 1921, էջ 3:

⁹ Մշակ, 7. VIII. 1920,

¹⁰ Արևոտ գիրք, էջ 6:

¹¹ Նույն տեղում:

1920 թ. օգոստոսի վերջին 11-րդ վարմիր քանակի 248, 249, 251 և 252 զնդերից կազմված զորամիավորումը շարժվեց դեպի Կապան-Գնդեվազ՝ Գարեգին Նժդեհի ուժերն արյան մեջ խեղդելու համար։ Միևնույն ժամանակ Նախիջևանից՝ Օրդուբադի կողմից թուրք-ադրբեջանական ուժերը ներխուժեցին Կարճևան գյուղ, Հակառակորդը հարձակման անցավ նաև Շավանիժոր և Կալեր գյուղերի ուղղությամբ։ Հետագայում՝ սեպտեմբերի 20-ին, Գարեգին Նժդեհը հանրապետության գլխավորական նախարարին հաղորդում է. «Թշնամին փնձ վերա հարձակվեց միաժամանակ և Զեյվախից, Ինջաբեդից, Գեղվաձորից և Գյաղբեդից»։

Մեծամասնականները ոտքի էին հանել Բարգուշատի, Հաքարլուի, Այրի-չայի և Գեղվաձորի բովանդակ ուժերը, օգնական ուժեր էին բերել և Զեյվա-խից։ Առաջնորդի դեր էր կատարում Զանգեզուրի ժողովրդի տականքը՝ հայ դավաճանների մի ահող լեզբուն¹²։

Սյունիքը բոլոր կողմերից շրջափակվում և փտվում է դրսի աշխարհից։ Անընդհատ շարունակվող կռիվները և նրանից որևէ օգնություն ստանալու հույսի բացակայությունը հուսալքում է առաջ քերում ժողովրդական գլխաված ուժերի մեջ։ Կապանի գյուղացիները ստիպված էին ցած տնել զենքը և օկու-պանտներին ներս թողնել։ Որոշ ուժեր Գարեգին Նժդեհի գլխավորությամբ քաշվեցին խուստուփ լեռ՝ հավատալով փրենց արդար պայքարի հաջողությա-նը և վերջնական հաղթանակին։

Գարեգին Նժդեհի գլխավորած ազատագրական պայքարի դրոշի տակ համախմբվածների պայքարը նախ և առաջ ուղղված էր մի խումբ ազգադավ բողոքիկների, ռուսական «ազատարար» վարմիր բանակի օկուպացիոն քա-ղաքականության և «կարմիր մահմեդականների» քարաքոտությունների դեմ։ 1920 թ. հուլիսից մինչև նոյեմբեր, հինգ ամիս շարունակ, Սյունիքի հայու-թյունը հերոսական պայքար մղեց այդ ուժերի դեմ, որոնց կողմից յայտնվեց «հայ ազգաբնակիչները բառացի կերպով կողոպտված» էր և «ամբողջ կայքն ու գոյքը հափշտակված»¹³։ Այդ ժամանակաշրջանում է՝ ավելի դրսևորվեց Կապարգողթի ժողովրդական ուժերի հրամանատար Գարեգին Նժդեհի վազ-մակերպչական ու ռազմական տաղանդը։ Հենց դա ի նկատի ունենալով, 1920 թ. օգոստոսի 25-ին ողջ ժողովուրդն ու զինվորները Կապանի Կավարտ գյուղի հեղեղեցում հանդեսով Նժդեհի մեջքին կապում են կարմիր գոտի և նրան հռչակում Լեռնային Հայաստանի Սպարապետ ժողովուրդը ցնծության մեջ էր։

1920 թ. օգոստոսի 10-ին, այսինքն՝ Սևրի պայմանագրի ստորագրման օրը, Թիֆլիսում Հայաստանի Հանրապետության և Ռուսաստանի միջև կրնը-վեց համաձայնագիր, ըստ որի Ղարաբաղը, Զանգեզուրը և Նախիջևանն իբրև վիճելի տարածքներ օկուպացվում էին ռուսական կարմիր բանակի վոլմից։ Այդ համաձայնագրից դժգոհ էր ոչ միայն Գարեգին Նժդեհը, այլև խորհրդա-յին Ռուսաստանը։ Պայմանագիրը ստորագրվելուց երկու օր անց 11-րդ կար-միր բանակի հրամանատարության հետ հեռախոսով ունեցած իր զրույցի ժա-մանակ Ռուսաստանի արտաքին գործերի նախարար Գ. Չիչերինը հասկա-ցում է, որ Շախտախտին Հայաստանի կազմում թողնելը, Ռուսաստանին և Ադրբեջանին կտրում է թուրքիայի և Պարսկաստանի հետ կապ ունենալուց, մի բան, որից կարելի էր խուսափել¹⁴։

Օգոստոսի 18-ին հանրապետության գլխավորական նախարարին ուղար-կած նամակում Նժդեհը տարակուսանք է հայտնում վերոհիշյալ համաձայ-

¹² Հայաստանի Հանրապետության պատմության պետական կենտրոնական արխիվ (այ-սուհետև՝ ՀՀ ՊՊԿԱ), ֆ. 198, ց. 1, գ. 73, թ. 22։

¹³ Մշակ, 22. X. 1920,

¹⁴ Հայաստանի կոմունիստական կուսակցության կենտկոմի հասարակական-քաղաքական հետազոտությունների ինստիտուտի արխիվ (այսուհետև՝ ՀԿԿ ՀՔՀԿԱ), ֆ. 1022, ց. 8, գ. 117, թ. 1։

նագրի վերաբերյալ: Նա համոզված էր, որ բոլշևիկները «անձնաւորելով Ադրբեջանի քողարկւած վտանգը, յամառօրէն ձգտում են զինաթափելու, տնտեսապէս քայքայելու, գրկատելու և ապա տեղահանելու կամ բնաջնջելու Զանգեզուրի հայութեանը»¹⁵: Օգոստոսի 20-ին հանրապետության զինվորական նախարարին ուղարկած նոր նամակում Գարեգին Նժդեհը զգուշացնում է, որ Կապարգողթի Պիշումը Ադրբեջանին «նշանակում է մեծապէս դժվարացնել մեր ժողովրդի ինքնապաշտպանութեան գործը»: Ապա՝ «ձեռքից տալով Ղափանի, Գնդեվազի, Գեղվաձորի և Գողթանի բնական ամրությունները, Արարատյան հարթավայրերում մենք հեշտությամբ չպետք է կարողանանք կազմակերպել ու վարել մեր ժողովրդի ինքնապաշտպանութեան դժվարին գործը»¹⁶: Այդ նույն օրը Կապանի հանքերից Կապարգողթի ռազմական ուժերի հրամանատարը Երևան ուղարկած հատուկ զեկուցագրում հաղորդում է. «Ադրբեջանը գործում է: Նրա հարյուրավոր ագենտները՝ իրենց տաքած պյուռոսյան հաղթութեամբ արեցած՝ օրնիբուն չափովում են Զանգեզուրի և Սիսիանի գյուղերը և համոզում, հավատացնում ժողովրդին, որ «Սովետական Ռուսաստանը ստիպել է Հայաստանի կառավարության ձեռք քաշել Զանգեզուրից, որ այդ երկիրը, արդեն տրված է Ադրբեջանին և այլն...»¹⁷: Զեկան և այլ հիմնարկություններ կողոպտում էին ժողովրդին, զբաղվում սպանություններով: Կարմիր բանակի հետ գործում էր Զանգեզուր բերված 1200 հոգիանոց թուրքական 8-րդ գունդը, որոնց ասկյարները զբաղվում էին կողոպուտով, բռնաբարություններով, ամեն տեսակի ավազակություններով¹⁸:

Կարմիր բանակի ռճրագործությունների մասին են պկայում հետևյալ փաստերը. 1920-ի օգոստոսի 2-ին Գորիսից նահանջելուց առաջ Հայաստանի Հանրապետության խորհրդարանի անդամներ Վահան Խորենուն և Արշակ Շիրինյանին, ինչպես և սիսիանցիներ Զաքար Տեր-Ղաղարյանին և Մ. Աղամյանին գազանաբար կացնահարում են Գորիսի բանտում: Օգոստոսի 3-ին շրջափակված Շուշի են տանում 17 բանտարկյալների՝ Զ. Տեր-Դավթյանին, Գ. Մալինցյանին, Գ. Մարտիրոսյանին, Պ. Փարսյանին, Դ. և Գ. Տեր-Մկրտչյան եղբայրներին, Ս. Դադայանին և ուրիշներ: Ծանապարհին, առանց որևէ հարցաքննության նրանց գնդակահարում են Ղարաղլաղի դիմաց՝ Մակեր կոչված տեղում: Հոկտեմբերի 16-ի գիշերը Գորիսի բանտում սպանվում են ցարական ինքնակալության օրոք 10 տարով րանտ նստած Սաքուն (Համբարձում Սարգսյան) և նրա բնկերներ Ավանես Մալինցյանը, Ալեքսանդր Միրաբյանը, Ալեքսանդր Տեր-Մկրտչյանը, Փ. Մելիք-Փարսադանյանը, Բ. Սարգսյանը, Սահակ-Բեկովը, Սիմոն Պողոսյանը, Հակոբ Վանեսովը, Շամիլ Կարապետյանը, Ահարոն Կարապետյանը (Ղահրամանյան), Հ. Շալունցը և այլք¹⁹: Առանց որևէ քննության Բաքու են տարվում Հովհաննես վարդապետ Տեր-Գրիգորյանը, առաջաձորցի Սմբատ Մելիք-Ստեփանյանը և ուրիշներ²⁰: Միայն Գորիսի բանտում մշտապես պահվում էր 100 բանտարկյալ՝ պատանդի անվան տակ: 1920 թ. հոկտեմբերի 6-ից մինչև նոյեմբերի 19-ը Գորիսի կենտրոնական բանտում քաղաքական հողի վրա պահվել են 763 հոգի, որոնցից 379-ը՝

¹⁵ ՀՀ ՊԳԱ, ֆ. 198, ց. 1, գ. 73, թ. 9:

¹⁶ Նույն տեղում, թ. 20—21:

¹⁷ Նույն տեղում, թ. 16:

¹⁸ Վ ա ր ա գ Ա ա ա ք ե լ յ ա ն, Նժդեհ, Երևան, 1989, էջ 26:

¹⁹ Կարմիր բանակի 28-րդ դիվիզիայի պետ Նեստերովսկու 1920 թ. հոկտեմբերի 17-ի հրամանում գրված է. «Զանգեզուրի գավառի Կոռնիձոր գյուղի բնակիչներ Ավագիմ Պողոսյանը, Սիմոն Պողոսյանը, Շամիր Կարապետյանը, Ալեքսանդր Հաբարթովը, Հակոբ Վանեսովը և Ահարոն Ղահրամանովը գնդակահարված են՝ հակահեղափոխության և կոմունիստների ծնողների ծաղրելու համար» (Արևոտ գիրք, էջ 65):

²⁰ Հայաստանի Հանրապետության նորագույն պատմության պետական կենտրոնական արխիվ (այսուհետև՝ ՀՀ ՊԳԱ), ֆ. 114, ց. 2, գ. 70, թ. 11:

Գորիսի քաղաքային «կարմիր» պարետի կարգադրությամբ²¹ Այստեղ տանջում և զնդակահարում էին նաև այն կարմիր զինվորներին, որոնք հրաժարվում էին զենք օգտագործել խաղաղ բնակչության դեմ²²:

1920 թ. հուլիսի 10-ին ձերբակալում են Գորիսում գտնվող բոլոր սպաներին՝ իբր Ռուսաստանի զինվորական դպրոց ուղարկելու համար, մինչդեռ իրականում տանում են Բաքու և Ռուսաստանի ներքին նահանգները, որտեղ նրանք դատապարտվում են տաժանակիր աշխատանքի: Նույն օրը՝ հուլիսի 10-ի գիշերը երեք սպայի տանում են Քարահունջի ձորը, որտեղ երկուսին մերկացնում են և զնդակահարում, իսկ երրորդին հաջողվում է փախչել²³: Արխիվային մի փաստաթղթում ասված է, որ օկուպանտները Գորիսից տարել են մոտ 2000 գորգ, 1000 կարպետ, մոտ 100 կարի մեքենա, պահարաններ, սպորտներ, կահկարանի, 500 անկողին, նստարաններ, սեղաններ, տնային այլ իրեր, արդյունաբերական ապրանքներ, գյուղատնտեսական մթերքներ, քաղաքի ֆնտիչների ոտքերից հանել են 200 գույզ կոշիկ, գլուխների և Գորիսի եկեղեցիները դարձրել են ախոռներ, Զանգեզուրից և շրջակա գյուղերից թալանել և տարել են 20 հազար փուխ ցորեն և ալյուր, քաղաքում և գյուղերում կանանց գլխից պոկել են զարդարանքներ, հանել մատանիները, ժամացույցները և այլն²⁴: 1920 թ. դեկտեմբերին 700 հայ վանանց ստորագրության մի բողոք է ուղարկվում Գարեգին Նժդեհին, որում դատապարտվում են օկուպանտների բռնությունները: Նման բողոքներով Նժդեհին են դիմում նաև Տեղ, Կոռնիձոր, Խոր և այլ գյուղերի բնակիչները²⁵:

Սիսիան և Կապան էին ներկուսել մոտ 12000 զինվորականներ և այլ ձրիակներ, որոնց հարկ էր վերակրել: Գորիսի գավառային հեղկոմի որոշմամբ յուրաքանչյուր գյուղ զնդակահարության սպանալիքի տակ պարտավոր էր մթերքներ ուղարկել Գորիս: Զանգեզուրի գավառային հեղկոմը 1920 թ. սեպտեմբերի 10-ին Սիսիանի միլիտանտների հայտնում է. «Հրամայում եմ 24 սեպտեմբերից Սիսիանից հավաքել և փոխադրել Գորիս 18.000 փ. ցորեն, նույն չափ գարի, 800 ոչխար և 70 հատ գրաստ: Ընդդիմացողներին զնդակահարել և հաղորդագրել»²⁶: Այդ օրերին 11-րդ կարմիր բանակի զինվորական հեղափոխական խորհրդի լիազոր և Ղարաբաղի ու Զանգեզուրի արտակարգ կոմիսարի տեղակալ Արմենակ Ղարաբաղյանը (Կարակուղով), որն Արցախի և Սյունիքի ողբերգությունների գլխավոր հեղինակներից էր, ստիպված էր Գորիսի կայազորի պետ Ֆեոդորովսկուն հետևյալ գրությամբ ուղարկել. «Հաճախ կարմիր զորամասերը և այլ անձինք փողոպուտով են զբաղվում, որի պատճառով գյուղացիությունը ջղայնանում և խորհրդային իշխանությանը հակառակ է տրամադրվում»²⁷: Այսպես և փնդում է խորհրդակցություն հրավիրել և այդ հարցը քննել: Արմենակ Ղարաբաղյանը մի այլ փաստաթղթում ցինիկորեն հայտարարում էր, թե կարմիր բանակը Զանգեզուրի վրայով մշտական ճանապարհ է ունենալու դեպի «Կարմիր Տաճկաստան» և ապա Սյունիքի հայությունը սպանալով, նշում. «Վաղ թե ուշ թշնամու ուժերը պիտի ջարդվեն և այն ժամանակ մեր ցասումն ու բարկությունը պիտի թափվի այն գյուղերի վրա, որոնք պաշտպան են հանդիսացել նրանց: Ժամանակն է, որ հայ աշխատավոր գյուղացիությունը խելքի գա, Կոլճա իր կնոջն ու երեխաներին և թող նա իր զենքը բարձրացնի ոչ թե կարմիր փանակի դեմ, որ եկել է հեռավոր Ռուսաստանից ազատագրելու բոլոր աշխատավորներին...

21 Արևոտ գիրք, էջ 24:

22 Հայրենիք, 1924, № 6, էջ 118:

23 Արևոտ գիրք, էջ 24:

24 ՀՀ ՆՊ ՊԿԱ, ֆ. 114, ց. 2, գ. 70, թ. 11—11ա:

25 Նույն տեղում, թ. 21, 25:

26 Արևոտ գիրք, էջ 15:

27 Նույն տեղում, էջ 14:

այլ ավանտյուրիստ դաշնակների խմբերի դեմ, որոնք իրենց կաշին փրկելու համար կամենում են հայ աշխատավոր ժողովրդին կործանել...»²⁸:

11-րդ կարմիր բանակի 28-րդ հրաձգային դիվիզիայի հրամանատար Նեստերովսկու 1920 թ. հոկտեմբերի 14-ի № 29 հրամանով կարգադրվում էր Ղափանի շրջանն արևելյան կողմից օղակել և «ճնշելով՝ դաժանությամբ վարվել ապստամբների հետ, ոչ մի բանդիտի կենդանի բաց չթողնելով»։ Իրիկունքն ապահովելու համար պահանջվում էր «Տեղ գյուղում կուլակներից վերցնել 100 պատանդ և վարմիր զորքի թիկունքից մինչև իսկ մի գնդակ արծակելու տեսքով՝ բոլորին գնդակահարել»։ Հրամանի վերջում 83 և 84-րդ բրիգադների հրամանատարներից պահանջվում էր «խուսափել ամեն տեսակի մարդասիրական միջոցներից և դաժան լինել ապստամբ բնակչության հետ, որպեսզի նա զրա բանվորական բռնկումների թափը։ Դիմադրողներին գերի վերցնել և կենդանի բաց չթողնել ոչ մի բանդիտի»²⁹:

Կարևոր է նաև հետևյալ փաստը. փյուրացում վերահիշյալ № 29 հրամանի, հոկտեմբերի 14-ին Նեստերովսկին հրամայում է «Ջանգեզուրի գավառում ապստամբության պրոպագանդիստ դաշնակներին և սադրիչներին որսալու նպատակով ուժեղացնել լրտեսական գործունեությունը՝ չխնայելով ոչ ոքի, ոչնչացնել առանց դատի և քննության»³⁰:

Երկու օր անց Նեստերովսկու նոր հրամանում կարդում ենք. «Թող իմանա Ջանգեզուրի ամբողջ ազգաբնակչությունը, որ կարմիր բանակն ինչքան որ բարյացակամ է դեպի աշխատավորությունը, ինչքան որ իր կյանքն է զոհում աշխատավորության բախտավորության համար, այնքան էլ նա խիստ է ու անխնա իր թշնամիների նկատմամբ։ Բանդաների և ապստամբների ձեռքով սպանված ամեն մի մարդու փոխարեն կոչնչացվեն հարյուրավոր ապստամբներ»։ Ապա պահանջվում էր վերադառնալ խաղաղ աշխատանքի և համձնել զենքերը, հակառակ դեպքում նրանք վարժանանային «կարմիր բանակի հեղափոխական դատավճռին», իսկ «եթե որևէ գյուղի բնակչություն բռնանա կամ սպանի մի կարմիր զինվորի, այդ գյուղը հողին կհավասարեցվի և կվերացվի երկրի երեսից»։ Նեստերովսկու հրամաններից երևելով, 252-րդ գնդի զինվորական կոմիսար Իվանովը հրամայում է Արևածաղիկը զրավելուց հետո մանուկներից մինչև 80—90 տարեկան ծերունիներին չխնայել և բոլորին գնդակահարել։

Արցախում ու Սյունիքում կարմիր բանակի և բոլշևիկների այդ անմարդկային արարքներից երևելով, Հայաստանի Հանրապետության կառավարությունը բողոք է ներկայացնում Խորհրդային Ռուսաստանի կառավարությանը, իսկ Արցախ-Սյունիքի էքսպեդիցիոն զորամասի հրամանատար Դրոն՝ 11-րդ կարմիր բանակի 28-րդ և 32-րդ դիվիզիաներ՝ հրամանատարությանը³¹: Խորհրդային Ռուսաստանի արտաքին գործերի նախարար Գ. Չիչերինը 11-րդ կարմիր բանակի հրամանատարության հետ ունեցած վերահիշյալ հեռախոսազրույցի ժամանակ պահանջում է բացատրություն տալ այդ ամենի համար³²: Նոյեմբերի 2-ին Գ. Չիչերինին ուղարկած հեռագրում Կովկասում գործող կարմիր բանակի հրամանատարությունը փորձում է անամոթաբար ժխտել կարմիր բանակի և մինչև անգամ մուսուլմանական գնդի կողմից Արցախի և Սյունիքի հալության նկատմամբ իրագործված բարբարոսությունները³³: Արգելիսի արարքները նույնիսկ տխրահռչակ Արմենակ Ղարաբաղյանին առիթ են տալիս Ադրհեղկոմի նախագահ Ն. Նարիմանովին գրել, թե

²⁸ Նույն տեղում, էջ 13:

²⁹ ՀԿԿ ՀՔՀԻԱ, ֆ. 1022, ց. 1, ք. 142, ք. 1—2:

³⁰ Նույն տեղում, գ. 138, ք. 1—2:

³¹ Նույն տեղում, գ. 106, ք. 24:

³² Նույն տեղում, գ. 117, ք. 2:

³³ Նույն տեղում, գ. 133, ք. 1:

«նման դեպքերը նսեմացնում և վարկաբեկում են խորհրդային կառավարության»³⁴։

Այդ օրերին կարմիր բանակի զորամասերը հարձակման անցան Օրդու-սադի և Բարթազի կողմից։ Կարմիրները ոտքի հանեցին նաև Ջանգեզուրի և Օրդուսադի ադրբեջանցիներին։ Աշոտ Մելիք-Մուսյանը շտապ մեկնեց Երե-վան՝ որոշակի առաքելությամբ։ Սյունիքի ապստամբներին ամենից առաջ հարկավոր էր զենք, հագուստ և դրամ։ Հայտնի է, որ խորհրդային Խուսա-տանից ստացած օգնությամբ Թուրքիան զինվեց և սեպտեմբերի 23-ին պա-տեհազմ սկսեց Հայաստանի Հանրապետության դեմ։ Չնայած հանրապետու-թյունը գտնվում էր ծանր դրության մեջ, այնուամենայնիվ, Սյունիքի ապս-տամբները Երևանից որոշ օգնություն ստացան։

Նախնականից մինչև Արցախ տեղի էին ունենում անհավասար մարտեր։ Գարեգին Նժդեհը հանրապետության գլխավորական նախարարին և սպարա-պետ Նազարբեկյանին դրում էր. «Թշնամու ուժերը հասնում են մի քանի հազարի։ Հարձակողների 70 տոկոսը թուրք է։ Օրդուսադի ճակատից յար-ձակողների մեջ կան նաև օսմանցիներ»³⁵։

Գարեգին Նժդեհը Կապանի հանքերից հոկտեմբերի 20-ին հաղորդում է Երևան, որ «Կապարդոզթը օղակող թշնամին՝ «ստվետականացնելու» տեղ միայն կոտորում է և թալանում»³⁶։

Հայ մարտիկները կռվում էին հերոսաբար։ Կարճ ժամկետում նրանք ազատագրեցին Անգեղակոթը, Ղարաբաղի սահման, ամբողջ Կապանի շրջանը և Ողջի ու Մեղրի գետերի ավազանները։ Հենց այդ օրերին Ջանգեզուր են հասնում Բաթ-վից օգնության ուղարկված մուսուլմանական նոր ուժեր՝ Ջավալ փաշայի հրամանատարությամբ, իսկ Հյուսիսային Կովկասից օգնության է գալիս կար-միր հեծելազորի հրամանատար Պ. Կուրոչկինը՝ իր պատժիչ ջոկատով (որոշ աղբյուրներում՝ Պ. Կուրիշկո)։ Այդ առթիվ Արմենակ Ղարաբաղցիները հայ-տարարում է. «Զգուշ, սրան Կուրոչկին կասեն, որը կատակ չի տիրում... Կտեսնեք... Վաղը Նժդեհի և Ղափանի փոշին քամուն կտա»³⁷։ Սակայն Պ. Կուրոչկինը շուտով պարտություն կրեց։ Նժդեհը կրկին ամրանալով Կա-պանում, 11-րդ բանակի հրամանատարությանը ուղարկում է մի վերջնագիր, բերով պահանջում է Սյունիքն ազատել³⁸։ Ապա Տաթևի և Գորիսի միջև գտնվող Փռաբուրդ կոչված դաշտում տեղի է ունենում ճակատամարտ, որտեղ Գարե-գին Նժդեհի ջոկատները ջիղվին ջախջախում են Ջավալ փաշայի «կարմիր» զունդը։ 1920 թ. նոյեմբերի 22-ի առավոտյան Գորիսի բազմազան ժողո-վուրդը աղ ու հացով է դիմավորում քաղաք մտած Գարեգին Նժդեհի ջոկատ-ներին։ 28-րդ դիվիզիայի կոմիսարի կողմից նոյեմբերի 23-ին ուղարկված նամակում փորձ է արվում Նժդեհին համոզել, թե իբրև Ջանգեղուրում կռվող ռուսական բանակի երեք էլ նվաճողական նպատակ չի ունեցել և իրեն չի համարել Հայաստանի հետ պատերազմական դրության մեջ։ Կոմիսարն առա-ջարկում է 48 ժամվա ընթացքում Գորիսում մնացած, հիվանդ, վիրավոր ու գերված զինվորներին և բանակին պատկանող գույքը վերադարձնել։ «Հակա-ռակ դեպքում, — ասում է նա, — ռուսական խորհրդային կառավարությունը կհրաժարվի Հայաստանի և տաճկական հեղափոխական զորքերի միջև կնքվող հաշտության միջնորդությունից»³⁹։ Դրան հաջորդում է 84-րդ բրիգադի հրա-մանատարի կողմից Ջանգեզուրի գյուղացիությանն ուղղված մի սադրիչ հայ-տարարություն։ Դրանում չի թաքցվում, որ «Կարմիր բանակի հրամանատա-

34 Արևոտ գիրք, էջ 23։

35 ՀՀ ՊԿԿԱ, ֆ. 198, ց. 1, գ. 73, Բ. 15։

36 Նույն տեղում, Բ. 4։

37 Վարդան Գևորգյան, նշվ. աղբ., էջ 87։

38 ԱՎՕ, նշվ. աղբ., էջ 132։

39 Արևոտ գիրք, էջ 70—71։

բուլթյունն ու Ադրբեջանի խորհրդային իշխանությունը կարող են հրաման տալ կարմիր բանակի զորամասերին՝ մաքրել Զանգեզուրն ու Ղարաբաղը», իսկ անհրաժեշտության դեպքում կարմիր բանակն «ի վիճակի կլինի պաշտպանելու... խորհրդային Ադրբեջանը» և ապստամբների հետ «անողորմ վարվել»⁴⁰։ Գարեգին Նժդեհն այս օրերին ստանում է Ավդալարի և Զաքուխի կիրճերում ջարդված կարմիր զորամասի հրամանատար Սեմյոնովի պաշտոնական գրությունը, որում նա խաղաղ բանակցության առաջարկ էր անում⁴¹։ Գարեգին Նժդեհը Սեմյոնովին նույնամբերի 30-ին պատասխանում է մի ընդարձակ նամակով, որով մերկացնում է կարմիր բանակի հակահայկական, հակաժողովրդական գործունեությունը։ Նա կոնկրետ փաստերով ցույց է տալիս, թե հուլիսից մինչև նույնամբերի վերջերը այդ «ազատարարները» Ադրբեջանի և բոլշևիկների պահանջով ինչպիսի անմարդկային արարքներ են կատարել Սյունիքում և Արցախում՝ թալանելով առանց այն էլ վարիքի մեջ գտնվող Ղարաբաղը և Զանգեզուրը։ Նժդեհը կարմիր բանակի պարտություն պատճառները համարում է նրանց «չեզեքի դեգերը... կաշառման սխտեմը... առանձին պոստերը, որոնց առաջ նսեմանում են ցարական բոլոր տեսակի ժանդարմական վարչություններն ու օխրանկաները... արճճի, սվինի լեզուն, որ ժողովուրդը շուգեց հասկանալ... շպիտնաժը... շերեղվաչկաները... խորհրդայնուր սպանություններն ու հարիւրներով պատանդ վերցնելու խայտառակ սխտեմը... քաղաքական անհամբերությունն ու աղանդատությունը...»⁴²։

1920 թ. նույնամբերի վերջին և դեկտեմբերի սկզբին Հայաստանում իրադրությունը փոխվեց։ Բաքվում ստեղծված Հայ հեղկոմը կարմիր բանակի օգնությամբ Ղազախի կողմով հասցվեց Նրևան, Դեկտեմբերի 2-ին Ալեքսանդրապոլում կնքվեց պայմանագիր։ Նրևանից բավականին քանակությամբ մտավորականներ և ալլ անձնավորություններ, որոնք հրաժարվեցին ենթարկվել բոլշևիկների բռնապետությանը, հեռացան Սյունիք՝ Գարեգին Նժդեհի մոտ։ Դեկտեմբերի 16-ին խորհրդային Հայաստանի զինվորական կոմիսար Ավիս Նուրիջանյանը և ռազմական ուժերի հրամանատար Դրոն մի կողմից և Նժդեհին, որում ասվում էր, թե փքր Ադրբեջանը Զանգեզուրը, Նախիջևանը և Լեռնային Ղարաբաղը գիջել է Հայաստանին և նրան առաջարկում էին վայր դնել զենքն ու «կանգնել խորհրդային Հայաստանի աշխատավորութեան դրոշակի տակ, մերձենալ Ռուսաստանին և խորհրդային Ադրբեջանին»։ Այս նրանք պահանջում էին «անմիջապես դադարեցնել ամեն տեսակի պատերազմական գործողություն և ենթարկվել Հայաստանի խորհրդային իշխանության»⁴³։

Նրևանից հաետող լուրերը խիստ անհանգստացնում էին Գարեգին Նժդեհին։ Նա իմացավ, որ Տրոցկու պահանջով Բաքվի վրայով Մոսկվա է մեկնել Դրոն, որին Բաքվում հայ, ռուս և թուրք բոլշևիկները համոզում են, թե իբրև Հայաստանի փրկությունը կախված է միայն խորհրդային Ռուսաստանից և, որ ռուս-թուրքական կոնֆերանսը, որը նախատեսվում է փետրվարին սկսել Մոսկվայում, վարող է Քեմալի բանակը դուրս բերել Հայաստանից, եթե միայն Զանգեզուրը հայտարարի իրեն խորհրդային և իր բռնած դիրքով իրանգարի Մոսկվայի կոնֆերանսի աշխատանքներին։ Դրոն չէր կարող կանխագուշակել, թե Մոսկվա-Բաքու-Անկարա եռանկյունին ինչ է նախապատրաստում Հայաստանի համար։ Նման պայմաններում Սյունիքի հայությունը վճռեց իր ձայնը հնչեցնել։ 1920 թ. դեկտեմբերի 25-ին Տաթևի վանքում կայացավ համազանգեզուրյան առաջին համագումարը, որի ընդունած բանաձևում դատապարտվում են խորհրդային Ռուսաստանի կարմիր բանակի և «կարմիր մահմեդականների» հինգ ամսվա ընթացքում Սյունիքում կատար-

40 Նույն տեղում, էջ 72—73։

41 Նույն տեղում, էջ 75։

42 Նույն տեղում, էջ 78—84։

43 Նույն տեղում, էջ 86—88։

րած հակաժողովրդական արարքները: «Խորհրդային հրամանատարությունը,—ասված է բանաձևում,—հենց առաջին քայլին, զավառի գյուղացիության նկատմամբ սկսավ իր ավերիչ, քայքայիչ քաղաքականությունը, որուն մեջ նսեմացած են պատմական Լենկ-Խեմուրյան և արևելքի բարբարոսներու արշավանքներն ու գործելակերպը...»

Այս բոլորն ևս, մենք համոզվեցանք, որ սովածներու այդ բանակը եկած է միմիայն հափշտակելու մեր կայքն ու գույքը, թալանելու մեղ և իսպառ ոչնչացնելու...»⁴⁴:

1921 թ. հունվարի 21-ին Բաքվից հինգ հոգուց բաղկացած մի պատվիրակություն է գալիս Ջանգեղուր՝ բերելով Դրոյի և 11-րդ կարմիր բանակի հրամանատարության նամակը, որի ամբողջ բովանդակությունը հանդում է նրան, թե իբր «Ջանգեղուրի չճանաչելը խորհրդային Հայաստանին խանգարելու է... լուծելու նախնականի, Շարուրի և Ղարաբաղի խնդիրները» և որ Ջանգեղուրի բռնած այդ դիրքը թուրքերի համար առիթ կ'ծառայի «չհեռացնել իրենց զորքերը մեր երկրից»: Դրոն հավատ էր տածում, թե «Ջանգեղուրը և նրա ղեկավարները վերջ կտան իրենց բռնած քաղաքականությանը և կ'սկսեն իրենց մայր երկրին՝ Հայաստանին, որ Մոսկվայի տաճիկների հետ բանակցությունը կգա ապացուցելու, որ խորհրդային Ռուսաստանը պաշտպանելու է հայ աշխատավորության շահերը»⁴⁵:

Թե՛ Գարեգին Նժդեհը և թե՛ ողջ Սյունիքի գյուղացիությունը շատ լավ գիտեին, թե ինչ է կատարվում խորհրդային Հայաստանում: Այդ իսկ պատճառով 1921 թ. հունվարի 25-ին 11-րդ կարմիր բանակի հրամանատարության ուղարկած պատասխանում Նժդեհը գրում էր, որ 11-րդ կարմիր բանակի ռաբար՝ հրամանատարության վարած քաղաքականության հետևանքով Հայաստանը դարձավ սոսկումնալից ու արյան թատերաբեմ: Բացահայտելով Հայաստանի նկատմամբ խորհրդային Ռուսաստանի վարած քաղաքականության էությունը, Նժդեհը շարունակում էր. «Հայաստանի այն մասերում, որոնք գրավված չեն տաճիկներով և գտնվում են խորհրդային իշխանության ներքո, ստեղծված է այնպիսի վացություն, որ սպառնում է հայ գյուղացիության ֆիզիկական գոյության և, որ ամենապիտան է, գլխատվում, սպանվում է ժողովրդի պեղծանի խոսքը: Հարյուրներով հայ հեղափոխական ղեմավորատիայի ներկայացուցիչները բանտարկվում են, գնդակահարվում և աքսորվում, ուր, հայտնի չէ: Այստեղ պարզ երևում է խորհրդային իշխանության ղեկավար շրջանների նենգամիտ միտումները՝ «գլխատել Հայաստանի աշխատավոր գյուղացիությանը և մեռցնել նորա անկեղծ հեղափոխական-սոցիալիստական միտքը»: Գարեգին Նժդեհը պահանջում է հայ մտավորականությանն ազատել բանտերից, վերացնել նրա դեմ սկսված հալածանքները, մաքրել քեմալականների կողմից գրավված հայկական հողերը և հրաժարվել զանազան մոլթ անձնավորությունների Ջանգեղուր ուղարկելուց»⁴⁶:

Բաքվից Գորիս եկած վերահիշյալ պատվիրակության ղեկավար Գրիգոր Վարդանյանը պատմում է, որ Նժդեհն ամենից առաջ մեղադրում էր հայ բոլշևիկներին, որոնք ամեն ինչում ոգևորել և օժանդակել են կարմիրներին:

Հայաստանում իրար հաջորդող ցավալի իրադարձությունները հասցրին նրան, որ հայ ժողովուրդն ըմբոստացավ: 1921 թ. փետրվարի 16-ին և 17-ին հանրապետության զանազան շրջաններում սկսվում են ժողովրդական ապստամբություններ: Գարեգին Նժդեհը, անշուշտ, տեղյակ էր Փետրվարյան ապստամբության նախապատրաստմանը: Փետրվարի 16-ին, ապստամբությունը սկսվելուց երկու օր առաջ, նրա հրամանով, Յապոնի ջոկատները դրավում են Դարալագյազը և բացում Երևանի դռները: Հակառակ դեպքում ապրիլի 2-ին ապստամբության ճնշումից հետո հազիվ թե հնարավոր լիներ փրկել

⁴⁴ ԱՎՕ, նշվ. աշխ., էջ 77:

⁴⁵ ՀՀ ՆՊ ՊԿԱ, ֆ. 114, ք. 2, ք. 70, թ. 29, Արևոտ գիրք, էջ 90—92:

⁴⁶ Արևոտ գիրք, էջ 96—99:

հազարավոր հայրենասերների: Հենց այդ օրերին՝ 1921-ի փետրվարի 21-ին, Գորիսի ս. Լուսավորիչ եկեղեցում տեղի ունեցավ Գարեգին Նժդեհին Սյունիքի սպարապետ հռչակելու հանդիսավոր արարողությունը: Բազմության ներկայությամբ Նժդեհի մեջքին կապեցին օծված գոտին: Ճեմ անոր կը հանձնեն հայկական եռագույնը՝ «Ինքնավար Սյունիքի կառավարութենեն անհաղթ սպարապետ Նժդեհին» մականդրությամբ⁴⁷:

Գարեգին Նժդեհը ամեն կերպ ձգտում էր օգնության հասնել ապստամբներին: Ս. Վրացյանը Նժդեհին և Դարալագյազի ուժերի հրամանատար Յապոնին մարտի 25-ին փնդրում է. «Ամեն գնով... կապվեք մեզ հետ և ճանապարհ ապահովեք»⁴⁸: Նժդեհը կարողացավ ապահովել ճանապարհը և միևնույն օրը կեսերը 8041 հոգի անցան Արաքսը՝ փրկվելով տեղորից:

1921 թ. ապրիլի 27-ին Տաթևի վանքում հրավիրվեց համազանգեղուրյան երկրորդ համագումարը, որը Սյունիքը հռչակեց Լեռնահայաստան: Համագումարը միաձայն որոշեց. «Կառավարություն կազմելու համար վարչապետ ընտրել Սպարապետին, տալով անոր զորավարի աստիճան և պարգևատրել զայն «Խուստուփյան արծիվ»-ի երկաթե շքանշանով»⁴⁹:

Գորիսը հայտարարվեց Լեռնահայաստանի մայրաքաղաք:

Այս անգամ բուլղեղիները և կարմիր բանակի հրամանատարությունը որոշեցին Զանգեզուրը գրավել փաղազ ճանապարհով: Այդ նպատակով Նրևանից Զանգեզուր մեկնեց հորհրդային Հայաստանի արտաքին գործերի նախարար Արտաշես Կարինյանը և 11-րդ կարմիր բանակի ներկայացուցիչ Մեմիկովը՝ բանակցելու Լեռնահայաստանի կառավարության հետ: Նրկու կողմերի պատկամավորները հանդիպեցին մարտի 12-ին՝ Սիսիանի շրջանի Ղալազյուղ գյուղում: Լեռնահայաստանի կառավարությունն առաջ քաշեց մի շարք էական պահանջներ, որոնք, սակայն, մնացին անպատասխան:

Կարմիր զորքերը տարբեր կողմերից հարձակման անցան: Լեռնահայաստանի վիճակը խիստ ծանրացավ: Այսպիսի պայմաններում, մանավանդ մեծ զոհերից փոսափելու համար, Լեռնահայաստանի կառավարությունը վրձնեց թողնել Սյունիքը և անցնել Պարսկաստան. Գարեգին Նժդեհը ամենավերջում, ծանր ապրումներով, հուլիսին թողեց հայրենի ոստանը և անցավ Արաքսը⁵⁰: Նա մոտ երկու տարի ոչինչ չխնայեց Արցախի և Սյունիքի հայությանը ցնդասպանությունից փրկելու և մայր հայրենիքին վերամիավորելու համար: Այդ ծամանակաշրջանում կարմիր բանակը տվեց 15000 սպանված, 7000 գերի, նրանից խլվեց մոտ 200 գնդացի, 7 թնդանոթ, մոտ 10 հազար հրացան, մեծ քանակությամբ ռազմամթերք⁵¹:

Շնորհիվ այդ դրամարտի, Զանգեզուրը մնաց Հայաստանի Հանրապետության մեջ:

⁴⁷ Ա Վ օ, նշվ. աշխ., էջ 170:

⁴⁸ Նույն տեղում, էջ 186:

⁴⁹ Նույն տեղում, էջ 191:

⁵⁰ Նժդեհի մասին հրապարակված մի շարք նյութերում գրված է, որ նա Զանգեզուրից հեռացել է հուլիսի 10-ին: Հայաստանի Հանրապետության Պետական անվտանգության կոմիտեի արխիվում պահվող Նժդեհի վերաբերյալ նյութերում ասված է, որ նա Զանգեզուրից հեռացել է հուլիսի 15-ին (ՊԱԿ-ի արխիվ, գ. 5231, հ. 3, թ. 68):

⁵¹ Վ ար դ ան Գ ո ռ գ յ ան, նշվ. աշխ., էջ 163:

ГАРЕГИН НЖДЕ В СЮНИКЕ (август 1919—июль 1921 гг.)

Г. Б. Абрамян

Р е з ю м е

Весной 1919 г. Андраник со своими отрядами отошел из Зангезура. Положение армян в Сюнике и Арцахе все более ухудшалось. Правительство Республики Армения не могло оставаться безучастным к своим восточным районам, где свирепствовали турецко-татарские варзары. Решением правительства Республики Армения в Сюник со своими отрядами посылается Гарегин Нжде (Гарегин Тер-Арутюнян).

Почти два года, до 15 июля 1921 г., Гарегин Нжде, умело используя свои организаторские качества и военный талант, возглавлял национально-освободительное движение армян, направленное против турецко-татарских захватчиков и оккупантов 11-й Красной армии.

Только в результате этой героической борьбы стало возможным предотвратить новый геноцид в Сюнике и Арцахе.